

Description de la Nouvelle Espagne.

La Nouvelle Galice estoit parcydevant appellée par les habitans *Palisco*; celui qui la conquist le premier fut Nunnus Germanus, qui aussi y a fait bastir quelques villes comme Compostelle, où il y a un Evesque & le Conseil du Roy, le Sainct Esprit, la Conception, S. Michiel, & Guadalairam, la plus renommée ville de tout le Pays. Le terroir y est rude, de fert, & le peuple sauvage & cruel, qui aussi mangent les hommes.

Souz la Nouvelle Galisse est le pays de *Culiacana*, ainsi nommée à cause d'une ville située entre al riviere de Piaftla, & la riviere de S. Sebastian, laquelle est receue de l'autre devant que de se desgorger en la mer. La ville capitale est Culiaca. Les habitans sont pauvres couchent à descouvert souz le Ciel, ceux qui se tiennent pres de la mer ne vivent que de la pescherie, ceux qui sont au dedans du pays de la chasse. Ils ne souloyent point reconnoistre de chef, mais maintenant sont sujets au Roy d'Espagne.

Le pays de Mehuacham, contient en son circuit 40. lieues, & est le plus riche & fertile des provinces de la Nouvelle Espagne, car le Maiz y vient trois fois l'année à maturité, & aussi les autres fruiets. Il y a abondance de Cotton, Miel, Cire & herbes Medecinales, d'Ambre noir, & de Sel; Il y a aussi de la Soye, de l'Or & de l'Argent. Les rivieres y sont fort commodes & riches en poissons. Les habitans y sont fort robustes de corps, de longue vie, & de grand esprit. Il y a deux villes principales que les Espagnols tiennent, assavoir Pascuar & Valadolit, laquelle est une ville Episcopale.

La province de Mexico est la plus renommé, non seulement de la Nouvelle Espagne, mais de toute l'Amerique, elle prend son nom de la ville de Mexico, laquelle est aussi appellée Temixtitan, elle estoit parcydevant bastie comme Venise, au milieu d'un fort grand Lac. Mais Cortese ayant prins la ville la bastit sur le bord du dit lac, & est à present fort bien edificée, comprenant en son tour
bien